

وزیر اعظم نریندر موڈی نے اج قوم سنگ خطاب کیو تے
کل تین ملک پہر مانہ لاؤ ہون جار بیا جی ایس ٹی سُدھاروں نانہ بچت اتسو غی شروعات
قرار دتو

لیفٹنٹ گورنر منوج سنہا غو کہنو ہے جے جھیل تے دریا انسانیت واسطے بڑی اہمیت رکھیں ،
تے شہریاں نانہ چاہیے جے وے مجموعی شراکت سنگ ان غی حفاظت کریں۔

اُدھم پور پا رلیمانی حلقة واسطے 110 نواں سڑک پروجیکٹ غی منظوری دتی گئی ہے ۔

شری ماتا ویشنو دیوی شرائین نانہ کل تین شروع ہون آلا نوراترای تقریبات غے پیش نظر
پہلان سنگ سجاوی گیو ہے ۔

ایشیا کپ ٹی ٹوانٹی کرکٹ ٹورنامنٹ غا سلسلہ غا دو جا سپر 4 ٹاکرہ مانہ اج بھارت غو مقابلو
ڈبئی مانہ پاکستان سنگ وے گو ۔

PM Address

وزیر اعظم نریندر موڈی نے اج قوم سنگ خطاب کیو ہے۔ جس مانہ انہاں نے کہیو ہے جے
پلک تین ملک پہر مانہ نوراتری غو تھوار شروع ہو رہیو ہے۔ اور پلک پہلانو راترا غے تھاڑے
”تم نریہر بھارت ابھیان“ پہل غے تحت بڑو قدم چایو جا رہیو ہے۔ جس مانہ ملک پہر مانہ ”
اکلی پیہڑی غا جی ایس ٹی سُدھار لاؤ ہو رہیا ہیں۔ اسی غے تحت ملک پہر مانہ بچت اتسو
شروع وے گو۔ جس سنگ غریب، درمیانہ درجہ غا لوکاں، نوجواناں، کساناں، خواتین، کاروباریاں
سمیت تمام لوکاں نانہ اس غو فائدو ملے گو۔ انہاں نے اس موقع ور ملک پہر غا لوکاں نانہ
مبارک با د پیش کی ہے۔
انہاں نے مزید کہیو جے یہ اقدام ملک غی معیشت مانہ بابدو وے گو۔

LG-Seva Parv

سیوا پرو غا اک حصہ غا طور ور لیفٹنٹ گورنر منوج سنہا نے اج ڈل جھیل سرینگر مانہ صفائی
ستھرانی غی مهم مانہ شرکت کی۔ اس موقع ور ایل جی موصوف غو کہنو تھو جے پچھا 5
بہرائیاں تین شروع کی گئی ڈل جھیل غی صفائی غی مهم غی وجہ نال جھیل غا اک تھاںی حصہ
تین زیادہ حصہ نانہ صاف کیو جا چکو ہے تے اس حصہ تین پہلی وری لیلی غی پیدا وار
نانہ ختم کر غے 20 مربع کلو میٹر غے قریب غا حصہ تین پانی نانہ صاف کیو جا چکو ہے ۔
اس موقع ور بولتاں وان لیفٹنٹ گورنر نے شہریاں وروی زور پایو جے وے اپنی سرگرم
شرکت سنگ جھیل ، دریاوائیاں تے دو جا آبی ذریعاء نانہ محفوظ بنان مانہ اپنو کردار ادا کریں۔ ان
غو کہنو تھو جے ڈل جھیل لگارتار کھریلو تے بین القوامی سیلانیاں واسطے پُر کشش بنی وی
ہے۔ اس بارے گل کرتاں وان لیفٹنٹ گورنر نے کہیو۔ بانٹ۔

LG Delegation

بھارت سی ایس آر نیٹ ورک غو اک وفد چنیرمین ڈاکٹر ساجد این سعید غی قیادت مانہجہ اج لیفتھٹ گو رنر منوج سنہا سنگ ملائکی ہوئو۔ اس موقع ور وفد نے جمou کشمیر واسطے سی ایس آر غی مجوزہ پُر اثر تجویز پیش کیں۔ جس مانہجہ 10 سمارٹ گران قائم کرنو، مصنو عی ذہانت غی لیب قائم کرنو، ویسٹ ٹو ویلٹھ بارے پروجیکٹاں غو قیام، کمیونٹی مرکز قائم کرنو، تے سیالب زدگان غی بازآباد کاری بارے امداد شامل بیں۔ اس موقع ور بولتاں وان لیفتھٹ گو رنر نے جمou کشمیر یوٹی مانہجہ ان غی طرفون فائیدار ترقی تے مجموعی سطح ور لوکاں غی با اختیاری غا اقدام بارے عہد غی سراہنا کی۔ ایل جی موصوف نے وفد نانہجہ ان غا ان اقدام نانہجہ عملان غا سلسلہ مانہجہ انتظامیہ غی ہر ممکن امداد غو یقین دوایو۔

CM

وزیر اعلیٰ عمر عبداللہ غو کہنو ہے جے ان غی سرکار غی طرفون کھیڈاں تے کھیڈ ڈھانچہ غا فروغ در خصوصی توجو دتی جا رہی ہے۔ ان گو کہنو تھو جے ایسو کوئے وی اسمبلی حلقو نہیں ہے جے کھیڈ سہولت میسر نہیں کرائی گئی بیں۔ اپنے نے کہیو جے سرکار نے بکھ بکھ علاقاں مانہجہ نوجواناں معروف کھیڈاں غو پتو لايو ہے۔ جن مانہجہ کرکٹ، فٹ بال، جمنسٹیک تے والی بال شامل بیں تے اس خاطر ان نانہجہ سہولت مہیا کران نانہجہ یقینی بنایو گیو ہے۔ اس ویلے جاری کھیڈاں گو ذکر کرتاں وان عمر عبداللہ نے کہیو جے کشمیر ما راتھن غو دوجو حصو آندہ نومبر مہینے غی 2 تاریخ نانہجہ شروع وے گو۔ تے اپنے نے پورا ملک تین اتھلیش نانہجہ ان مانہجہ شامل بون غی دعوت دتی ہے۔ اس بارے بولتاں وان وزیر اعلیٰ نے کہیو۔ با نٹ..

Seva Parv- UPI

آج پورا ملک مانہجہ "سیوا پرو" پہل منایا جان غا سلسلہ مانہجہ مودی

سرکار غی قیادت مانہجہ یو پی آئی انقلاب بارے جانکاری دتی جائیگی، جس غے ذریعے آدائیگیاں نانہجہ تمام لوکاں واسطے محفوظ، غیر محسوس تے قابل رسائی بنایو گیو ہے۔ نیشنل پے منٹ کارپو ریشن آف انڈیا غی طرفون سال 2016 مانہجہ شروع کیا گیا یو پی آئی پروگرام غے ذریعے آدائیگیاں غا نظام مانہجہ انقلاب لیاتاں وان بکھ بینک کھاتاں نانہجہ اک بی موبائل ایپ مانہجہ یکجا کیو گیو۔ اس آن لائن آدائیگیاں غا طریقہ سنگ غیر محسوس طور ور رقومات غی منتقلی ممکن ہو سکی ہے۔ چھڑا اگست 2025 مانہجہ بی یو پی آئی طریقہ سنگ 20 ارب روپیاں غو کاروبار کیو گیو ہے۔ واضح رہ جے اس سال یوم آزادی غا اپنا خطاب مانہجہ وزیر اعظم نریندر موڈی نے یو پی آئی غی طاقت غو ذکر کیو تھو۔ ان غو کہنو تھو ... با نٹ...

Prog Announcement

آکاشوانی جموں گا نیوز یونٹ غی طرفون " جامنو انقلاب غی ذریعے گرائیں معيشت غی مضبوطی" غا عنوان سنگ 25 منڈل گا مباحثہ ور مبنی اک خصوصی پروگرام نشر کیو جا ئے گو۔ یوه پروگرام 15 ستمبر تین شروع بوا سیوا پرو سال 2025 منایا جان غی مناسبت سنگ نشر کیو جا رہیو ہے۔ یوه خصوصی پروگرام پہلک دوپہر 12 جے نشر کیو جائیگو۔ جس مانہ اندیں انسٹیچیوٹ آف انٹلجنس میڈیسنرز سی ایس آئی آر جموں گا ڈائرنیکٹر زبیر احمد چودھری مہمان ویں گا۔ وے پروگرام غا عنوان ور اپنی ماہرانہ رائے پیش کریں گا۔ اس پروگرام مانہ میزبانی گا فرائض مہاری اینکر پرسن ابھیلاشاشرما تے شروتی کھجوریہ انجام دے رہی ہیں۔

مزید خبران نال عبدالمجیدور اس تین پہلان یوه پیغام (یہ خبر تم آکاشوانی جموں تین سُن ربیا بیں، تے یہ خبر مہاری ویب سائٹ نیوز آئیر ڈاٹ گو ڈاٹ ان ور وی دستیاب ہیں، اس تین یہ (خبر مہاری مو بائل ایپ تے ڈی ٹی ایج ور وی دستیاب ہیں

Roads Sanctioned

بنیادی ڈھانچہ غی ترقی گا اک بڑا قدم مانہ دیہی ترقی غی وزارت نے پر دھان منتری گرام سڑک یو جنا (پی ایم جی ۱ ایس وائی ۴) بیج 1(26-2025) غے تحت ادھمپور، کٹھو عہ ڈوڈہ لوک سبھا حلقة مانہ 110 نواں سڑکان غا کمان نانہ منظوری دتی ہے۔ 2 ہزار کروڑ روپیاں غا تخمینہ لاكت آلا یہ پروجیکٹ پورا خطہ مانہ 178 بستیاں مانہ بھم موسی سڑک رابطہ فرایم کریں گا۔ ذراعت تے دیہی ترقی گا مرکزی وزیر شیو راج سنگھ چوبان نے تجاویز نانہ منظوری دتی ہے تے وزیر اعظم غا دفتر مانہ مرکزی مملکت ڈاکٹر جنتدر سنگھ نانہ مکتب غے ذریعے اس فیصلہ بارے جانکاری دتی گئی ہے۔ ڈاکٹر سنگھ نے مرکز غوشکریو ادا کرتاں وان کہیو ہے جے یہ پروجیکٹ رسائی تے دیہی آبادی واسطے سفر غی آسانی مانہ نمایاں بہتری لیاویں گا۔

Navratri Festival

پہلک تین شروع ہو ربیا نوراتران گا موقع ور لکھاں عقیدت مندان گا استقبال واسطے شری ماتا ویشنو دیوی شرائین تے کٹڑا قصبه مانہ تمام تیاریں مکمل کر لی گئی ہیں۔ ات آن آلا یا تریاں واسطے روحانی طور تے آسان یا ترا نانہ یقینی بنان واسطے شرائین بورڈ نے وسیع انتظامات کیا وا ہیں۔ نو روزہ تقریبات غی تیاری مانہ بھون، اردکواری، بھیرو مندر تے شرائین غی گھے تک جان رستہ نانہ پہلان، رنگ برلنگی روشنیاں تے روانیتی نقشان نال سجايو گیو ہے۔ پوتھ جگہاں نانہ خاص طور ور تازہ موسی پہلان نال سجايو گیو ہے۔ جس نال عقیدت مندان واسطے اک منفرد ماحول پیدا وے۔ نوراتران واسطے کیا گیا انتظامات غی سراہنا کرتاں وان کجه عقیدت مندان نے اس طرح کہیو۔ بائٹ...۔

GST Reforms

جي ايس ٿي مانهه کيا گيا سُدھار پہلک تين لاڳو ہو جائين گا۔ اس سال یوم آزادی غا موقع ور وزیر اعظم نے لال قلعه تین جي ايس ٿي مانهه کيا گيا سُدھار ان غو اعلان کو تھو۔ تے اس مہینه غي 3 تاریخ نانهه بہت سارا سیکھران مانهه جي ايس ٿي کونسل نے ٿیکس غي شرح مانهه کمی کي تھي۔ کونسل نے بالواسطه ٿیکس نظام نانهه آسان کر گي 5 فيصد تے 18 فيصد یعنی دو درجات غي ساخت مانهه کر دتو جہیڙو پہلان 4 درجات 5 فيصد، 12 فيصد، 18 فيصد تے 28 فيصد غي ساخت مانهه تھو۔ ڪجهه منتخب چیزان واسطے 40 فيصد غي اضافي سلیب معنارف کي گئي ہے۔ جس مانهه تباکو تے عيش و آرام غي اشیاء شامل ہیں۔ لوکاں نے ان اصلاحات غي تعريف کرتاں وان کہيو۔ بائٹ۔

Seva Parv Ramban

سیوا پرو گيے دوران مجهی پالن محکمہ نے ضلع رام بن مانهه مجهی پالن آلات واسطے اک بیداری کیمپ غو انعقاد کيو ، جس مانهه اپنے بکھہ بکھہ فلاھی اسکیمان تے سرکاری خدمات بارے جانکاری دتی گئی۔ اس کیمپ غا انعقاد غو مقصد مجهی پالن نال جڑیا لوکاں نانهه پردهان منtri متسیا سمپدا یوجنا ، مجموعی ذرعی ترقیات پروگرام تے کسان کریڈیٹ کارڈ جیسی اسکیمان غي بارے جانکاری فراہم کرنو، ما بی گیری نال جڑیا لوکاں نانهه سماجی ، معاشی طور پر با اختیار بنان نانهه فروغ دینو تے ان پروگرامان تین وے کس طرح فاندو چا سکیں نانهه بقینی بنانو ہے۔ اس بارے مزید جانکاری دیتاں وان مجهی پالن محکمہ رام بن غا اسٹنٹ ڈائريکٹر عطا اللہ خان نے اس طرح کہيو۔ بائٹ۔

Asia Cup Cricket

اج دبئی مانهه ایشیا کپ ٿي تو انٹي کرکٹ گا دوجا سپر چار مقابلہ مانهه بھارتی کرکٹ ٹیم غو مقابلو پاکستان غي کرکٹ ٹیم نال وے گو۔ یوه مقابلو اج بھارتی وقت غي مطابق رات 8 جي شروع ہونو ہے۔ ٹورنامنٹ مانهه یہ دونے ٹیم دوجی بار آمنے سامنے ویں گی۔ ایشیا کپ غي تاریخ مانهه بھارت نے 8 وری ایشیا کپ جتیو ہے ، سری لنکانے 6 بار جد که پاکستان نے دو بار یاہ ٹرافی جتی ہے۔ اس طرح اجوں تک ایشا کپ جتن آلى سب تین زیادہ کامیاب بھارتی ٹیم رہی ہے۔
